



Broj: 01-50-2-207-___/21
Sarajevo, 31.12.2021. godine

Na osnovu člana 24. Zakona o ministarstvima i drugim organima uprave Bosne i Hercegovine ("Službeni glasnik BiH", broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine ("Službeni glasnik BiH", broj 94/14), Konkurencijsko vijeće Bosne i Hercegovine, podnosi

NACRT

IZVJEŠTAJ O RADU
KONKURENCIJSKOG VIJEĆA BOSNE I HERCEGOVINE ZA 2021. GODINU

Sarajevo,
decembar, 2021. godine

I - UVOD

Konkurencijsko vijeće Bosne i Hercegovine (u daljem tekstu: Konkurencijsko vijeće) je samostalno tijelo koje je nadležno za dosljednu primjenu Zakona o konkurenciji ("Službeni glasnik BiH", br. 48/05, 76/07 i 80/09) (u daljem tekstu: Zakon) na cijeloj teritoriji Bosne i Hercegovine i ima isključivu nadležnost u odlučivanju o postojanju zabranjenog konkurencijskog djelovanja na tržištu BiH (zabranjeni sporazumi, zloupotreba dominantnog položaja i kontrola koncentracija).

Odredbama Zakona se regulišu različiti oblici sprječavanja, ograničavanja ili narušavanja tržišne konkurencije na teritoriji Bosne i Hercegovine ili izvan njene teritorije, ako postupanje nekih privrednih subjekata ima značajan uticaj na tržište Bosne i Hercegovine, a u skladu s članom 2. stav (3) Zakona:

"Ovaj Zakon primjenjuje se i na privredne subjekte sa sjedištem i prebivalištem u inostranstvu, ako njihovo djelovanje proizvodi značajan efekt na tržište Bosne i Hercegovine ili na značajnijem dijelu tržišta."

Posebna pažnja u odredbama ovog Zakona se usmjerava na utvrđivanje različitih oblika zabranjenih sporazuma među privrednim subjektima, zloupotreba dominantnog položaja, te kontrolu i ocjenu različitih oblika koncentracija.

Zakonom se osigurava efikasnost u njegovom provođenju, prije svega kroz politiku novčanih kazni za privredne subjekte u slučaju njegovog kršenja, politiku ublažavanja ili ukidanja novčanih kazni privrednim subjektima u slučaju prijavljivanja kršenja odredbi Zakona (leniency policy) Konkurencijskom vijeću.

U skladu s odredbama Zakona, pred Konkurencijskim vijećem u 2021. godini vođeni su postupci pokrenuti po zahtjevima privrednih subjekata ili po službenoj dužnosti koji su za cilj imali utvrđivanje zabranjenih sporazuma i zloupotrebe dominantnog položaja, te ocjene izuzeća pojedinih sporazuma od zabrane. Konkurencijsko vijeće je u 2021. godini kontinuirano provodilo postupke ocjene dopuštenosti koncentracija privrednih subjekata u skladu sa Zakonom.

Tokom 2021. godine održano je 8 sastanaka stručnog kolegija i 19 sjednica Konkurencijskog vijeća. Broj održanih sastanaka kolegija je smanjen usljed epidemioloških uvjeta uzrokovanih virusom COVID 19, a kako bi se ograničila okupljanja i smanjila mogućnost zaraze i prenošenja virusa.

Od ukupno 53 zaprimljena predmeta iz oblasti konkurencije u 2021. godini, 27 predmeta se odnosilo na utvrđivanje postojanja zabranjenih konkurencijskih djelovanja i to: 15 predmeta se odnosilo na zabranjene sporazume, 6 na zloupotrebu dominantnog položaja, 6 predmeta su pokrenuta po obje osnove tj. odnose se i na zabranjeni sporazum i na zloupotrebu dominantnog položaja. U navedenim predmetima, na sjednicama Konkurencijskog vijeća, usvojeno je 12 konačnih odluka: 1 zahtjev za utvrđivanje zabranjenog sporazuma, 1 zahtjev za utvrđivanje zloupotrebe dominantnog položaja, kao i 3 zahtjeva podnesena po oba osnova (utvrđivanje zabranjenog sporazuma i zloupotrebe dominantnog položaja) su odbijeni kao neosnovani, utvrđeno je postojanje zabranjenog sporazuma u 3 predmeta i postojanje zloupotrebe dominantnog položaja u jednom predmetu, 2 zahtjeva su odbačena zbog stvarne nenadležnosti, te se u jednom predmetu smatra da ne postoji zloupotreba dominantnog položaja prema odredbi člana 11. stav (3) Zakona. Preostalih 15 predmeta je u postupku rješavanja u skladu sa rokovima utvrđenim Zakonom.

Konkurencijsko vijeće je u 2021. godini zaprimilo 17 predmeta koji se odnose na ocjenu koncentracija, gdje je na sjednicama Konkurencijskog vijeća usvojeno 10 konačnih odluka: 3 koncentracije su odobrene, 7 koncentracija je odbačeno radi nepostojanja obaveze prijave koncentracije, 3 koncentracije se smatraju dopuštenima, u skladu sa članom 18. stav (6) Zakona, dok su 4 koncentracija u postupku rješavanja.

U toku 2021. godine Konkurencijsko vijeće je zaprimilo i 3 Zahtjeva za pojednačno izuzeće od zabrane sporazuma, od kojih je po jednom Zahtjevu sporazum odobren, kod jednog Zahtjeva se smatra da je sporazum izuzet od zabrane, dok je kod trećeg Zahtjeva postupak u toku.

Zakonom je utvrđena i nadležnost Konkurencijskog vijeća za davanjem mišljenja i preporuka o bilo kojem aspektu konkurencije, uključujući i davanje mišljenja na nacрте i prijedloge zakona i drugih propisa iz oblasti koje imaju uticaja na tržišnu konkurenciju.

S tim u vezi, u 2021. godini Konkurencijsko vijeće je zaprimilo 12 zahtjeva za mišljenje, od kojih je usvojilo 10 stručnih mišljenja o različitim aspektima konkurencije, jedan postupak je obustavljen jer je stranka odustala od zahtjeva, a u jednom je stranci dostavljeno obavještenje o nenadležnosti u vezi sa predmetom iz zahtjeva.

Dakle, u 2021. godini ukupno je realizovano 56,60% od svih zaprimljenih predmeta pred Konkurencijskim vijećem, te je završeno 100,00% stručnih mišljenja u odnosu na broj zaprimljenih zahtjeva, dok su ostali predmeti zaprimljeni u toku 2021. godine u postupku rješavanja i bit će okončani u skladu sa rokovima propisanim Zakonom.

Konkurencijsko vijeće je u 2021. godini pokrenulo i provodilo ukupno 11 istraga, od čega su dvije istrage okončane, a devet istraga je još u toku.

Od ukupnog broja istraga okončanih u 2021. godini, jedna je istraga završila donošenjem zaključka o pokretanju postupka, a jedna je istraga obustavljena zbog toga što nisu utvrđene moguće povrede tržišne konkurencije koje bi bile osnov za pokretanje postupka.

Istrage su pokretane na osnovu anonimnih prijava, prijava fizičkih i pravnih lica, kao i po službenoj dužnosti u slučajevima kada se došlo do saznanja o mogućoj povredi tržišne konkurencije.

U izvještajnom periodu pokrenute su dvije istrage po anonimnoj prijavi, dvije istrage po prijavi fizičkih lica, tri istrage po prijavi pravnih lica i četiri istrage po službenoj dužnosti.

U kratkom opisu, istrage su se odnosile na sljedeće:

- odluku Vijeća ministara BiH vezano kvalitet tečnih naftnih goriva u Bosni i Hercegovini;
- javne nabavke oko izvođenja građevinskih radova na rušenju postojećeg i izgradnji novog administrativnog centra Gradske uprave u Gradu Doboju;
- promjene cijena cementa i betona u tvornicama cementa Kakanj i Lukavac;
- formiranje cijena na tržištu usluge naplate parkinga u Gradu Mostaru;
- analizu stanja na tržištu bankarskog osiguranja u Bosni i Hercegovini;
- visinu bankarskih naknada za pružanje bankarskih usluga fizičkim licima u Bosni i Hercegovini;
- prava emitovanja sportskog sadržaja u Bosni i Hercegovini vezano za prenos utakmica na javnom RTV servisu;
- prava emitovanja filmskog medijskog sadržaja u Bosni i Hercegovini vezano za odbijanje distribucije filmskog sadržaja;
- utvrđivanje mogućeg postojanja zabranjenog sporazuma na tržištu zdravstvenih usluga u Kantonu Sarajevo;
- utvrđivanje mogućeg postojanja zabranjenog sporazuma na tržištu veterinarske laboratorijske dijagnostike u Federaciji BiH;
- utvrđivanje mogućeg postojanja zabranjenog sporazuma na tržištu prometa mljevenom kafom u Bosni i Hercegovini.

Konkurencijsko vijeće vršilo je promociju tržišne konkurencije u 2021. godini, s ciljem osiguranja pravilne primjene zakonodavstva i podizanja svijesti i nivoa znanja, te upoznavanja stručne i šire javnosti o prioritetima u djelovanju Konkurencijskog vijeća, što je ostvarilo uglavnom putem stalnog informisanja javnosti i redovnog objavljivanja saopćenja za javnost te davanjem intervjua domaćim i stranim medijima. Tako je u 2021. godini, ukupno objavljeno 16 saopćenja za javnost u vezi sa odlukama donesenim na sjednicama Konkurencijskog vijeća, kao i niz saopćenja o međunarodnoj saradnji i promociji tržišne konkurencije, te održanim online radionicama i konferencijama iz oblasti relevantnih za pravo i politiku tržišne konkurencije.

Upućen je veliki broj odgovora na različite upite fizičkih i pravnih lica. Od 6 primljenih zahtjeva za slobodan pristup informacijama, 4 zahtjeva su u potpunosti odobrena, 1 zahtjev je djelimično odobren, dok je 1 zahtjev za slobodan pristup informacijama odbijen.

Konkurencijsko vijeće je u 2021. godini nastavilo uspostavljenu bilateralnu/multilateralnu saradnju s organizacijama i institucijama iz oblasti konkurencije i to sa institucijama kao što su EC DG Comp, ICN, OECD, FTC i sl. S tim u vezi, članovi Konkurencijskog vijeća su učestvovali na online seminarima i konferencijama u organizaciji ovih institucija kako slijedi:

- Online seminar o konkurenciji, Balkan Initiative's webinar on "Recent Trends in Competition Law Enforcement in the Balkans", novembar 2021 u organizaciji Turskog tijela za konkurenciju;
- UNCTAD online konferencija o Antitrustu za 2020. godinu, decembar 2021;
- Concurrences webinar na temu globalnih pitanja o konkurenciji tokom cijele 2021. godine;
- Global Forum on Competition, decembar 2021 u organizaciji OECD-a;
- Webinar Competition Policy for an Inclusive and Resilient Economy, decembar 2021 u organizaciji CUTS International, u sklopu kojeg je predsjednik Konkurencijskog vijeća Dr. sci. Amir Karalić prezentirao stručni rad na temu: *"Impacts of Changes within the Telecommunications Sector on Competition Policy in Bosnia and Herzegovina"*.

U svrhu unaprjeđenja bilateralne i multilateralne saradnje Konkurencijsko vijeće je održalo niz online sastanaka sa predstavnicima Grčkog tijela za konkurenciju na kojima su razmatrani principi dalje saradnje i predloženo potpisivanje Memoranduma o razumijevanju. Tekst Memoranduma je usklađen i čeka se njegovo odobrenje od zvaničnih institucija kao i potpisivanje.

Pored ovoga, održano je i više konstruktivnih sastanaka sa Egipatskim tijelom za konkurenciju, koje je predložilo pristupanje Konkurencijskog vijeća inicijativi Mediteranske mreže za konkurenciju za zemlje sjevernog i južnog primorja Mediterana. Ova specifična neformalna mreža ima za cilj da omogući agencijama članicama da održavaju redovne kontakte, rješavaju trenutne probleme konkurencije, omogućavaju dinamičnu komunikaciju koja služi konsenzusu i opredjeljenju prema politici tržišne konkurencije i sprovođenju propisa o konkurenciji. Također, usaglašen je tekst Memoranduma o saradnji sa Egipatskim tijelom za konkurenciju, te se očekuje potpisivanje istog u 2022. godini.

Konkurencijsko vijeće je u 2021. godini održavalo saradnju sa institucijama unutar Bosne i Hercegovine. Dana 21.09.2021. godine potpisan je Memorandum o razumijevanju sa Pravnim fakultetom Univerziteta u Sarajevu. Kao dio te saradnje, predsjednik Konkurencijskog vijeća Dr. sc. Amir Karalić održao je dana 08.12.2021. godine predavanje na temu Pravo konkurencije u BiH. U junu 2021. godine u Banja Luci je održana Konferencija o mehanizmima zaštite potrošača.

Također, Konkurencijsko vijeće je kontinuirano učestvovalo u odboru/pododboru za provođenje privremenog Sporazuma o stabilizaciji i pridruživanju (SSP) Bosne i Hercegovine i Europske Unije, kao i u Vijeću za zaštitu potrošača BiH u kojem je mr. Arijana Regoda-Dražić član, te je aktivno učestvovala u radu istog u 2021. godini.

Nastavljena je saradnja sa regulatorskim tijelima iz sektora energetike, telekomunikacija, bankarstva, te drugim regulatorskim sektorskim tijelima i institucijama na državnom, entitetskom i nivou Brčko distrikta Bosne i Hercegovine, kao i Ombudsmanom za zaštitu potrošača Bosne i Hercegovine, udruženjima, agencijama i zavodima za statistiku.

U cilju povećanja stručnosti zaposlenih, odnosno u cilju jačanja stručnih i administrativnih kapaciteta potrebnih za rad na predmetima iz oblasti tržišne konkurencije, u 2021. godini, državni službenici koji rade na predmetima o konkurenciji učestvovali su na seminarima u organizaciji različitih institucija i organizacija (Agencija za državnu službu BiH – ADS, Direkcija za evropske integracije – DEI, Regionalni centar za konkurenciju – RCC/OECD-GVH, Budimpešta R. Mađarska, Državna regulatorna komisija za električnu energiju - DERK, Centralna harmonizacijska jedinica – CHJ, Concurreces Pariz R. Francuska) i drugih državih tijela vezano za svakodnevno obavljanje poslova u instituciji, te IT obuke vezane za digitalizaciju procesa i sigurnost podataka.

Tokom 2021. godine, Konkurencijsko vijeće je nastavilo kontinuirani rad na usvajanju internih akata. Tako su u izvještajnom periodu usvojeni Izvještaj o radu za 2020. godinu broj: 01-50-2-234-1/20 od 31.12.2020. godine, Pravilnik o internim procedurama stvaranja i evidentiranja obaveza i načinu potpisivanja finansijske dokumentacije br. 01-02-3-123-1/21 od 09.06.2021. godine, Rješenje o određivanju signature, dostavljanje pošte u rad i načinu potpisivanja akata Konkurencijskog vijeća broj: 01-02-3-124-1/21 od 09.06.2021. godine. Nadalje, usvojen je i Pravilnik o izmjeni Pravilnika o unutrašnjoj organizaciji Konkurencijskog vijeća Bosne i Hercegovine, broj 01-02-3-305-19/18 od 05.01.2021. godine, te Poslovnik o dopunama Poslovnika o radu Konkurencijskog vijeća Bosne i Hercegovine, broj: 01-02-03-185-1/21 od 05.10.2021. godine. Također je Uputstvo o načinu vođenja podataka hronološke evidencije raspoređivanja i zaduženja predmeta u Konkurencijskom vijeću Bosne i Hercegovine, broj: 01-02-272-1/21 od 30.03.2021. godine – STAVLJENO VAN SNAGE Odlukom broj: 01-02-272-2/21 od 09.08.2021. godine, kao i Uputstvo o načinu korištenja službenih vozila za vozača i ostale zaposlene u Konkurencijskom vijeću Bosne i Hercegovine, broj 01-02-3-31-1/21 od 26.01.2021. godine – STAVLJENO VAN SNAGE Odlukom broj: 01-02-3-31-3/21 od 27.09.2021. godine.

Za provođenje Programa rada Konkurencijskog vijeća za 2021. godinu u privremenom finansiranju za period januar-decembar 2021. godine odobreno je 1.239.000,00 KM. Ukupno izvršenje budžeta za period januar-decembar 2021. godine je 1.227.847,27 KM ili 99,10% budžeta.

U vezi sa procesnim radnjama koje su u nadležnosti Konkurencijskog vijeća u skladu sa Zakonom (npr. rješenja po prijavama namjere koncentracije, rješenja o ocjenama usklađenosti sporazuma sa odredbama Zakona, davanje mišljenja itd.), naplaćuju se administrativne takse. Uplata istih propisana je Odlukom o visini administrativnih taksi u vezi sa procesnim radnjama pred Konkurencijskom vijećem ("Službeni glasnik BiH", broj 30/06 ,18/11 i 75/18).

Zakonom je propisano da Konkurencijsko vijeće može izreći novčane kazne privrednim subjektima, koje mogu biti do 10% ukupnog godišnjeg prihoda privrednog subjekta, ako utvrdi teže kršenje odredbi Zakona, odnosno do 1% za ostale povrede Zakona. Isto tako, Konkurencijsko vijeće može izreći i novčanu kaznu odgovornim licima privrednog subjekta u iznosu od 1.500,00 KM do 50.000,00 KM.

Prihodi od administrativnih taksi i novčanih kazni koje naplaćuje Konkurencijsko vijeće predstavljaju prihod Budžeta institucija Bosne i Hercegovine. U 2021. godini na osnovu administrativnih taksi uplaćen je iznos od 121.350,00 KM, na osnovu novčanih kazni iznos od 525.000,00 KM, što ukupno iznosi 646.350,00 KM ostvarenih prihoda u 2021. godini. Navedeni prihodi su u zakonom predviđenom roku uplaćeni u Budžet institucija Bosne i Hercegovine.

II – IZVJEŠTAJ O PROVEDBI AKCIONOG PLANA PREDVIĐENOG GODIŠNJIM PROGRAMOM RADA KONKURENCIJSKOG VIJEĆA BIH

II - IZVJEŠTAJ O PROVEDBI AKCIONOG PLANA PREDVIĐENOG GODIŠNJIM PROGRAMOM RADA KONKURENCIJSKOG VIJEĆA BIH											
Opći cilj/principi razvoja: Integrirani rast											
Strateški cilj: Unaprijediti razvoj konkurentnog ekonomskog okruženja											
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije											
Specifični cilj: Povećati stepen zaštite tržišne konkurencije na tržištu BiH											
Programi, projekti i aktivnosti	Nosilac aktivnost i (organizaciona jedinica)	Pokazatelji				Izvori finansiranja i troškovi			Vrijeme provedbe		Komentar
		Jedinica mjerenja (% , broj ili opisno)	Polazna vrijednost (n)	Ciljana vrijednost (n+1)	Ostvarena vrijednost na kraju godine (n+1)	Izvori finansiranja (proračun, krediti, donacije, ostalo)	Planirani troškovi	Ostvareni troškovi	Planirani kvartal za provedbu	Kvartal kada je aktivnost provedena	
1	2	3	4	5	6	7	8	9	10	11	12
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije											
1.1.1 Rješavanje predmeta iz oblasti konkurencije i davanje stručnih mišljenja											
1.1.1.1. Utvrđivanje zabranjenih sporazuma i zloupotrebe dominantnog položaja	KV BiH	Broj riješenih predmeta	27	27	12				Kontinuirano		
1.1.1.2. Utvrđivanje pojedinačnih izuzeća	KV BiH	Broj riješenih predmeta	3	3	2				Kontinuirano		
1.1.1.3. Ocjena koncentracija	KV BiH	Broj riješenih predmeta	17	17	10				Kontinuirano		

1.1.1.4. Davanje mišljenja	KV BiH	Broj riješenih predmeta	12	12	12				Kontinuirano		
1.1.2.1. Promocija i zaštita tržišne konkurencije	KV BiH	Broj saopštenja za javnost	0	16	16				Kontinuirano		

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BIH

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BIH							
Opći cilj/principi razvoja: Integrisani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stepen zaštite tržišne konkurencije na tržištu BiH							
Naziv zakona	Vrijeme provođenja		Status zakona zaključno sa 31.12. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije							
1.1.1 Rješavanje predmeta iz oblasti konkurencije i davanje stručnih mišljenja							
1.1.1.1 (naziv zakona)	-	-	-	-	-	-	-
1.1.1.2 (naziv zakona)...	-	-	-	-	-	-	-
1.1.2 (naziv projekta)...							
1.2 (naziv programa)...							

**IV – IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA
KONKURENCIJSKOG VIJEĆA BiH**

III - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH							
Opći cilj/principi razvoja: Integrirani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stupanj zaštite tržišne konkurencije na tržištu BiH							
Naziv podzakonskog akta	Vrijeme provedbe		Status podzakonskog akta zaključno sa 31.12.2019. godine				Komentar
	Planirani kvartal za provedbe aktivnosti	Kvartal kada je aktivnost provedena	Upućen rukovoditelju (DA/NE)	Usvojen od strane rukovoditelju (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3			4	5	6
1.1 Zaštita tržišne konkurencije							
1.1.1 Izmjene i dopune podzakonskog akta							

**V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA
KONKURENCIJSKOG VIJEĆA BiH**

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH							
Opći cilj/principi razvoja: Integrirani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stupanj zaštite tržišne konkurencije na tržištu BiH							
Naziv međunarodnog ugovora	Vrijeme provođenja		Status međunarodnog ugovora zaključno sa 31.12. _____ godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije							
1.1.1 Rješavanje predmeta iz oblasti konkurencije i davanje stručnih mišljenja							
1.1.1.1 (naziv međunarodnog ugovora)	-	-	-	-	-	-	-
1.1.1.2 (naziv međunarodnog ugovora)...	-	-	-	-	-	-	-
1.1.2 (naziv projekta)...							
1.2 (naziv programa)...							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH				
Opći cilj/principi razvoja: Integrirani rast				
Strateški cilj: Unaprijediti razvoj konkurentnog ekonomskog okruženja				
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije				
Specifični cilj: Povećati stupanj zaštite tržišne konkurencije na tržištu BiH				
Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije				
1.1.1 Rješavanje predmeta iz oblasti konkurencije i davanje stručnih mišljenja				
1.1.1.1 (naziv projekta javnih investicija)	-	-	-	-
1.1.1.2 (naziv projekta javnih investicija)...	-	-	-	-
1.1.2 (naziv projekta)...				
1.2 (naziv programa)...				

VII - IZVJEŠTAJ O PROVEDENIM KONSULTACIJAMA KOD IZRADE IZVJEŠTAJA O RADU KONKURENCIJSKOG VIJEĆA BiH

Kod izrade Izvještaja o radu, Konkurencijsko vijeće je u skladu sa članom 4. stav (1) tačka b) i članu 11. stav (4) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine ("Službeni glasnik BiH", broj 94/14) primijenilo Pravila za konsultacije.

Konkurencijsko vijeće je dana __.__.2022. godine na __. (_____) sjednici usvojilo nacrt Izvještaja o radu Konkurencijskog vijeća BiH za 2021. godinu.

Javne konsultacije na nacrt Izvještaja o radu Konkurencijskog vijeća za 2021. godinu su započele dana __.__.2022. godine, putem web-stranice Konkurencijskog vijeća www.bihkonk.gov.ba i trajat će do dana __.__. 2022. godine.

Konkurencijsko vijeće je dana __.__. godine, postavilo nacrt Izvještaja o radu Konkurencijskog vijeća za 2021. godinu na web aplikaciju e-Konsultacije radi javnih konsultacija koje će trajati do __.__.2022. godine.

Predsjednik

Dr.sc. Amir Karalić